

Boris Šiber, urednik na FTV

„Centralni zatvor“ na malim ekranima od 15. novembra

Živi program u trajanju od pola sata • Uskoro emisije ZIZ i ZYON

Vrlo slušani tok-šou Radija 202 „Centralni zatvor“, od 15. novembra bit će emitiran i na FTV. Na programu će biti od ponedjeljka do petka, u terminu poslije trećeg Dnevnika.

Kao voditelji i urednici smjenjivat će se Amel Baftić, Adil Sarajlić, Bakir Hadžiomerović, Jadranko Katana te Boris Šiber.

„Centralni zatvor“ trajat će pola sata, u „okviru kojih će se gledaocima pružiti informacija, a nećemo biti dosadni“, poručuju iz ove ekipe, i bit će emitiran uživo. Preko istoimene radioemisije javnost će svakog dana biti obaviještena o temi TV izdanja.

Otvoreni telefoni

- U studiju će biti voditelj i gost, a putem otvorenih telefona gledaoci će moći postavljati pitanja. Teme će biti vezane za aktualne događaje dana i nećemo biti ograničeni na politiku. Insistirat ću na ekologiji i kulturi življenja - kazao nam je Boris Šiber, urednik Redakcije programa za djecu i omladinu, u okviru koje će biti emitiran „Centralni zatvor“.

Zajedničkim radom uštedjeli bi na budžetu



Šiber: Mnogo novih projekata

„Mali šlager sezone“

„Mali šlager sezone“, koji će biti održan 18. decembra, u 17 sati u dvorani Zetra, realizirat će također ova redakcija.

Scenarij rade Svjetlana Živanov i Alma Abdagić, koja je ujedno i urednica projekta.

- Ovogodišnji „Mali šlager sezone“ bit će vezan za emisiju „Lutkokaz“, tako da će voditelji biti Žan Marolt i Lejla Nametković-Wochein, dok će se iz VIP lože javljati Mario Drmač.

Zelja nam je da u toku zimskog raspusta s učesnicima obidemo i četiri grada u BiH - kazao je Šiber.

Film na festivalu u Mariboru

Dokumentarni film „Kutak za sporni trenutak“ Džemala Šabića, koji je prikazan i na 10. SFF-u, učestvovat će na festivalu DOKUMA u Mariboru.

- Džemo je jučer otputovao u Sloveniju i sa zadovoljstvom ističem da je žiri od 150 ponudjenih odabrao 40 filmova, među kojima je i naš - kazao je Šiber.

ispričao nam je Šiber.

Minule subote krenula je i debata emisije ove redakcije „Navedi dobar razlog“.

Debatna emisija

- Uz DJ-a, te moderatora Jana Zlatana Kulenovića takmičit će se dvije ekipe omladinaca iz cijele BiH, uz učešće publike - istakao je Šiber.

Nedavno je pala i prva klapa emisije za najmlađe gledaoce ZIZ, urednice Klare Pelja, koja će uskoro početi s emitiranjem.

Ova redakcija počela je također snimanje emisije za omladinu ZYON, koju režira Saša Kaljanac.

- S urednicom sa BHT 1 Majom Anzulović te s Tanjom Miždrak sa RTRS-a, pokušavam dogovoriti realizaciju trosatne emisije za nedjeljno prijepodne. Zajedničkim radom uštedjela bi na budžetu sva tri emitera i dobili bismo na kvalitetu. Dobra volja postoji i čeka se kontakt s vodećim ljudima RTRS-a - otkrio nam je Šiber.

L. SARAJLIĆ-RAMOVIĆ